

ANG REGALO KAY BIBO



**GLOBAL ALLIANCE FOR
RABIES CONTROL**

www.rabiesalliance.org



**GLOBAL ALLIANCE
FOR RABIES CONTROL**

www.rabiesalliance.org



WSPA

**World Society for the
Protection of Animals**



Nagmukmok si Bibo nang malamang hindi bisikleta ang natanggap niyang regalo mula sa magulang.

Ayaw niya sa alagang aso.





Ayaw ko ng aso!
Mabaho at malikot yan!
At hindi ko kailangan ng kalaro!
Bisikleta ang gusto ko!



Kinabukasan...


Hoy!
Tumahimik ka nga!



AW!
AW!




Ano ba?
Ayaw mo ba talagang tumahimik?!






LABAS!!!


**Makalipas
ang ilang
oras...**



**Bibo!
Nasaan na
ang aso
mo?**



**Ang ingay po
kasi niya eh!
Pinalabas ko
po muna
saglit.**



**Ano?! Baka
mawala yung
aso!
Fidel! Fidel!
Pakihanap nung
aso ni
Bibo!**

Nang mahanap na ni Mang Fidel ang aso...



Ano ka bang aso ka? Nasa'yo pala ang tsinelas ko! Bitawan mo nga yan!



ARAYYYY!!!!
INAAAY!!!
Kinagat po ako nung aso!



Nginangatngat po kasi ng aso yung tsinelas ko eh!
Kaya po sinipa ko siya.



Dali, Hugasan natin 'yang sugat mo!

Habang hinuhugasan ang sugat ng anak, naalala ni Aling Stella ang nalaman niya sa TV tungkol sa rabies.



Naku, anak! Mukhang malubha ang sugat mo. Halika't dadalhin na kita sa doktor!

ANIMAL BITE TREATMENT CENTER

Agad na dinala ni Aling Stella at Mang Fidel si Bibo sa Animal Bite Treatment Center (ABTC) sa kanilang lugar.

Dok! Nakagat po ng aso ang anak ko. Ano po bang dapat naming gawin? Hinugasan ko na po ang sugat niya ng sabon sa dumadaloy na tubig.

Tama po ang ginawa niyo misis. Tama din na dinala niyo siya agad dito para masuri natin ang kagat ng aso at matignan kung kailangang mapabakunahan si Bibo laban sa rabies.

Rabies? Ano po yun Dok?

Ang rabies ay isang nakamamatay na sakit sanhi ng virus...

Ito ay puwedeng malipat sa tao sa pamamagitan ng laway ng kagat ng aso o pusa na may rabies.



Kadalasan, nakukuha din ito kapag nalagyan ng laway ng hayop na may rabies ang sariwang sugat, gargas, at maging ibang parte ng...

...katawan ng tao tulad ng mata, ilong, at bibig.




Nalaman din ni Dok na pinakawalan ni Bibo ang kanyang alagang aso.

Kaya Bibo, dapat mong alagaan nang mabuti ang iyong aso. Huwag mo itong hahayaang gumala sa kalye.


Dapat din na maayos ang kanyang tirahan at siyempre dapat binibigyan mo siya ng maayos na pagkain at inumin.

Opo, Dok.






Misis, dapat din po ay pinaturukan ninyo ang inyong aso laban sa rabies. Alam nyo ba na may batas na tayo tungkol dito?



Talaga po Dok? Hindi namin alam na may ganoon.

Merong tayong **Republic Act 9482** o ang **Anti-Rabies Act of 2007**. Layon nito na pigilan ang pagkalat ng sakit na rabies. Nakasaad din sa batas na kailangang iparehistro at mapabakunahan ang inyong alagang hayop laban sa rabies.




Salamat po sa impormasyon Dok.
Ano pala ang dapat naming gawin sa nakakagat na aso?

Dalhin niyo agad ang aso sa Veterinary Office para maobserbahan ng mabuti.

Kailangang maobserbahan ang aso sa loob ng **14** na araw kung magpapakita ito ng mga sintomas ng rabies: kung biglang magbago ang kanyang ugali, magkasakit, o biglang mamatay.

Pagkagaling sa ABTC, dinala na ni Tatay Fidel ang aso sa Veterinary Office.



Nakagat po ng asong ito ang aking anak.

Sige po, dalhin na natin sya sa Dog Pound para maobserbahan.

Makalipas ang tatlong araw, ipinaalam ng tagapamahala ng Dog Pound sa pamilya ni Bibo ang hindi inaasahang balita.


Mang Fidel, kinalulungkot po naming ibalita na namatay na ang inyong aso. Pinadala na namin sa laboratoryo ang kanyang ulo para maeksamin. Nakumpirma nga na ito ay may rabies.

Maaaring nahawa siya sa mga gumagalang aso noong makalabas ito ng bahay.


Dok, ibinalita sa amin ng taga-Dog Pound na namatay na ang aming aso. Nakumpirmapong ito'y may rabies.

Mabuti na lang at dinala niyo agad si Bibo dito dahil mahalaga na makumpleto niya ang pagpapabakuna para maagapan ang pagkalat ng virus sa kanyang katawan.

Naku, Salamat po kung ganoon, Dok.



Kung hindi po ako naging pabaya sa regalo niyong aso sa'kin, hindi po siya magkaka-rabies at hindi rin po ako magkakaganito. Patawad po.



Nalulungkot po ako sa sinapit ng aking aso. Pangako po, hindi ko na uulitin ang ginawa ko.

Magiging mabuting tagapag-alagana po ako.

Ilang buwan din ang lumipas at nawala na rin ang lungkot sa puso ni Bibo. Araw ng pasko noon.

Maligayang Pasko anak!

Anak may regalo kami sa'yo!

Wow!
Isang tuta!

Maraming salamat Nay at Tay! Pangako, aalagaan kong mabuti ang aso na ito!

Kinabukasan, masaya at agad na dinala ni Bibo ang kanyang bagong alagang aso sa beterinaryo.

Dok, papabakunahan ko po sana ang aking alagang aso. Ayaw ko na pong magka-rabies ang aking bagong alaga.


Sige, halika na at tuturuan natin siya. Sandali lang ito.

Ano pala ang pangalan niya? Ilagay natin sa Vaccination Card para ma-monitor natin ang kanyang bakuna.

Choko
NAME
VACCINATION CARD

Choko po ang pangalan niya, Dok.

At mula noon, hindi lamang naging isang huwarang tagapag-alaga ng aso si Bibo, naging supporter din siya ng mga kampanya laban sa rabies sa kanilang lugar.



Wakas.

Story

Jeanina Casusi
Sonny Pasiona
Rose Ann Pulido
Clarise Villadiego
Elaine Llarena
Dane Medina
Eunice Mendoza

Illustrations & Digital Layout

Von Karyl Nacpil
Dhel Ocampo
Prof. Marlon Diloy

Advisers

Dr. Betsy Miranda, DVM
Dr. Conchy Rocas, MD

Mga Multa sa Paglabag sa Republic Act 9482 (Anti-Rabies Act of 2007)

1. Hindi pagpaparehistro at pagpapabakuna ng alagang aso laban sa rabies, multa ng Dalawang Libong Piso (P2,000.00).
2. Ang may-ari ng asong hindi nabakunahan laban sa rabies ang mananagot at magbabayad sa pagpapabakuna sa taong kinagat ng kanilang alagang aso.
3. Hindi pagpayag na paobserbahan ang kanilang alagang aso na nakakagat ng tao, multa ng Sampung Libong Piso (P10,000.00).
4. Hindi pagpayag na paobserbahan ang kanilang alaga at bayaran ang pagpapabakuna sa taong nakagat ng kanilang aso, multa ng Dalawampu't Limang Libong Piso (P25,000.00).
5. Hindi pagtali ng alagang aso habang nasa pampublikong lugar, multa ng Limang Daang Piso (P500.00).

**PARA SA KARAGDAGANG IMPORMASYON, TUMAWAG
O KUMUNSRULTA SA INYONG PROVINCIAL O
CITY VETERINARY OFFICE**

**DEPARTMENT OF AGRICULTURE
BUREAU OF ANIMAL INDUSTRY RABIES HOTLINE:
(02) 928-2743 / (02) 928-2836**